



**KENYATAAN MEDIA
JABATAN PERDANA MENTERI
JABATAN AUDIT NEGARA**

**PENAFIAN TEGAS TERHADAP SURAT DAN IKLAN PALSU
MENGUNAKAN NAMA JABATAN AUDIT NEGARA**

1. Jabatan Audit Negara (JAN) memandang serius kewujudan surat dan iklan palsu yang menggunakan nama serta identiti JAN berkaitan urusan audit dan tuntutan bayaran bagi “External Audit Clearance Certificate (EACC)”.
2. Sehubungan dengan itu, JAN menafikan sekeras-kerasnya penglibatan dalam sebarang urusan yang meminta bayaran bagi tujuan pengesahan audit, pelepasan dana atau pengeluaran sijil seperti yang didakwa. JAN juga mengesahkan bahawa surat yang tular adalah palsu, termasuk penggunaan nama dan tandatangan pegawai JAN tanpa kebenaran.
3. Laporan polis telah dibuat berhubung penyalahgunaan identiti dan pemalsuan dokumen ini bagi membolehkan tindakan lanjut diambil oleh pihak-pihak berkuasa.
4. Orang ramai dinasihatkan supaya tidak terpedaya dan tidak membuat sebarang bayaran kepada mana-mana pihak yang mendakwa mewakili JAN untuk tujuan audit atau pengeluaran sijil, serta sentiasa berwaspada terhadap penyalahgunaan nama JAN.

**JABATAN AUDIT NEGARA
20 APRIL 2026**

